



Saksframlegg

Saksnr:	Utval:	Dato
005/18	Formannskapet	
Sakshandsamar:	Sektor for oppvekst, undervisning og kultur	Astrid Brandal Øvsthus
Avgjerslemynde:	Arkivnr.: 18/2006	Klassering:

Barnehage- og skulerute - 2019/20

Rådmannen sitt framlegg til vedtak:

Barnehage- og skuleruta for skuleåret 2019 – 2020 vert vedteken slik den ligg føre i framlegget.

Saksopplysningar:

Bakgrunn

Forskrift

Etter Opplæringslova § 2-2 skal kommunen gje forskrifter om skule- og feriedagar i skuleåret for elevane. Forskrifta skal vera tilpassa avviklinga av nasjonale prøver/eksamenar. Kravet i Forvaltningslova §38 første ledd bokstav c, om kunngjering i Norsk Lovtidend gjeld ikkje.

Barnehageruta

Barnehagane skal etter sine vedtekter ha 5 planleggingsdagar. Desse 5 dagane er markert med ein ring i kalendaren. Barnehageåret startar i veke 31, måndag 29.juli.

Skulestart og skuleslutt

Første skuledag for elevane er sett til torsdag 15.august 2019. Siste skuledag før sumarferien er sett til torsdag 18.juni 2020.

Framlegget ligg innanfor ei ramme på 45 fortløpande veker slik det er stilt krav om i forskriftene. Eksamenssekretariatet har dei siste åra sett fellessensuren til ca 16.juni.

Skulefritidsordning

Haus, Lonevåg og Valestrand skular har 11 månader opningstid for SFO. SFO opnar såleis 1.august 2019 og stengjer tilbodet 30.juni 2020. Fotlandsvåg skule har 10 månaders opningstid og fylgjer skuleruta.

Kurs og planleggingsdagar

Det er høve til å leggja kurs/planleggingsdagar før skulestart i veke 33. Vidare kan det leggjast planleggingsdagar på nokre av dei elevfrie dagane.

NKR har tilbod om kurs/etterutdanning fylgjande dagar: 08.11.19 og 31.01.20. Rektorar og styrarar har ansvar for å melde på eventuelle kursdeltakarar til kompetanseregionen.

Skulane har 6 planleggingsdagar som skal plasserast i skuleruta. 2 av planleggingsdagane bør samordnast med tilbod frå NKR.

Samordning

Hordaland fylkeskommune v/Samferdselsseksjonen oppmodar kommunane til å samordna skuleruta med vidaregåande skule på grunn av skuleskyssen.

Avkorta dagar

Avkorta dagar utløyser ekstra skysskostnader.

Lokale endringar

Alle lokale endringar må det informerast tydeleg om til barn og føresette.

Høyringsinstansar

Skuleruta vart sendt ut til høyring hjå samarbeidsutvalet ved kvar grunnskule v/rektor og kvar barnehage v/styrar. Skulen/barnehagen sender papira til FAU og elevrådet slik at dei får høve til å gje innspel til samarbeidsutvalet før dei fattar vedtak.

Skuleruta vert også sendt til høyring hjå fylgjande instansar:

- Danielsen Ungdomsskule Osterøy
- Fagforbundet Osterøy
- Hamre grendaskule
- Hjellvik Montessoriskule
- Hosanger Montessoriskule
- Osterøy vidaregåande skule
- Utdanningsforbundet Osterøy
- Skolelederforbundet

Høyringsfrist: 14.11.18.

Innan fristen har det kome inn høyringsuttale frå SU v/Haus barnehage og SU v/Haus skule.

Dei har fylgjande merknader:

- SU v/Haus barnehage ynskjer planleggingsdag 02.01.20 i staden for 31.01.20 slik det kjem fram i høyringsframlegget.
- SU v/Haus skule er samd i skuleruta slik den ligg føre.

Vurdering

Etter ei samråding med alle styrarane i barnehagane vart det semje om å legge planleggingsdagen for barnehagane i januar 2020 til 2.januar.

Sidan det ikkje har kome inn uttalar frå nokon av dei andre høyringsinstansane, må ein gå ut frå at dei har vore samde i framlegget som vart sendt ut til høyring.

Konklusjon

Barnehage- og skuleruta for skuleåret 2018-19 vert vedteken slik den ligg føre i framlegget.

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost

Vedlagte saksdokument:

Framlegg til skulerute 2019-20	189553	20.11.2018
--------------------------------	--------	------------